



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-523-5/23**
Datum: **20.12.2023. godine**

«Agencija za vodno područje rijeke Save» Sarajevo rješavajući po zahtjevu pravnog lica «VIMES» d.o.o. Visoko za donošenje rješenja o vodnoj dozvoli za ispuštanje tehnoloških otpadnih voda sa lokacije poslovnog kompleksa za preradu mesa, izgrađenog u naselju Maurovići, općina Visoko, na osnovu člana 109. stav (1) tačka 2. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98 i 49/99 i 61/22), donosi:

RJEŠENJE **o vodnoj dozvoli**

1. Pravnom licu «VIMES» d.o.o. Visoko, daje se vodna dozvola za ispuštanje tehnoloških otpadnih voda sa lokacije proizvodnog objekta za preradu mesa sa pratećim sadržajima, naselju Maurovići, općina Visoko, na zemljištu označenom kao k.č. broj: 464/2 K.O. Radovlje, općina Visoko.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, odlukama i dr.
3. Vodna dozvola se daje na osnovu činjeničnog stanja utvrđenog pregledom dostavljene dokumentacije i izvršenim uviđajem na objektu, pod slijedećim uslovima:
 - 3.1. Da pravno lice «VIMES» d.o.o. Visoko, obezbijedi da se sistem za prikupljanje, prečišćavanje i ispuštanje tehnoloških otpadnih voda nastalih u procesu prerade mesa i objekti koji su izgrađeni u krugu predmetnog proizvodnog kompleksa na predmetnoj lokaciji, održavaju u funkcionalnom stanju i koriste u skladu sa namjenom i uslovima iz ove vodne dozvole.
 - 3.2. Čišćenje uređaja za tretman tehnoloških otpadnih voda i separatora kao i ostalog otpada sa lokacije predmetnog poslovnog objekta može vršiti isključivo firma ovlaštena za tu vrstu djelatnosti, prema sklopljenom ugovoru. O načinu i vremenu radova održavanja, odnosno o pražnjenju, odvozu i zbrinjavanju sadržaja uređaja za tretman tehnoloških otpadnih voda i separatora masti, neophodno je voditi službenu evidenciju i arhivu.
 - 3.3. U toku važenja ovog Rješenja, korisnik predmetnih objekata je obavezan poduzeti sve potrebne mjere kako bi kvalitet tehnoloških otpadnih voda, a prije ispuštanja u recipijent, zadovoljio granične vrijednosti u skladu sa članom 15. stav (4) (Prilog 8.) Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20 i 96/20).
 - 3.4. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring iza uređaj za tretman tehnoloških otpadnih voda u skladu sa članom 19. stav (4) Uredbe o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji.
Izveštaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj: 14/10, 14/13, 26/14, 23/17 i 41/20).
 - 3.5. Ukoliko Vlada Zeničko - dobojskog kantona propiše dodatne (strožije) uvjete od uvjeta definisanih u Prilogu 8. Uredbe o uslovima ispuštanja otpadnih voda u okoliš i sisteme javne kanalizacije, podnosilac zahtjeva je u obavezi iste ispoštovati.
 - 3.6. Da korisnik obavezno praktikuje suho čišćenje prije pranja vodom, da bi se uklonile nečistoće sa radnih površina, trošilo manje vode za pranje i time smanjilo zagađenje u otpadnim vodama.
 - 3.7. Da se kod pranja koriste sredstva koja su prikladna okolinskim zahtjevima.

- 3.8. Da se u skladu sa propisima iz oblasti zaštite okoliša, vrši bezbjedno skladištenje i postupanje sa opasnim materijama i otpadom nastalim na predmetnoj lokaciji (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).
- 3.9. Na predmetnoj lokaciji nije dozvoljeno indirektno ispuštanje otpadnih voda u podzemne vode.
- 3.10. Da se nastali otpad na predmetnoj lokaciji prikuplja i privremeno odlaže u skladu sa važećim propisima o postupanju sa otpadom, a za zbrinjavanje istog potpiše ugovor sa ovlaštenom firmom za tu vrstu djelatnosti.
- 3.11. Investitor je obavezan pridržavati se svih mjera i uslova propisanih u saglasnostima i dozvolama, izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), Prilog 1., Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda, te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. U periodu važenja ove dozvole, korisnik je dužan provoditi sve mjere i aktivnosti propisane istom.
6. Ukoliko radom predmetnog objekta dođe do šteta ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
7. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik objekta obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
8. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnog objekta sa pratećim sadržajima obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
9. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
10. Ova vodna dozvola, shodno članu članu 117. stav (1) Zakona o vodama se daje sa rokom važenja od 5 (pet) godina od dana pravosnažnosti ovog rješenja.
11. Prije isteka važnosti ove dozvole, Investitor je dužan da podnese zahtjev za izdavanje nove vodne dozvole.
12. Ova vodna dozvola može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev.

Obrazloženje

Pravno lice «VIMES» d.o.o. Visoko, zahtjevom broj: 67/23 od 16.11.2023 godine se obratilo ovoj Agenciji za donošenje rješenja o vodnoj dozvoli za ispuštanje tehnoloških otpadnih sa lokacije proizvodnog objekta za prerađu mesa sa pratećim sadržajima, naselju Maurovići, općina Visoko, na zemljištu označenom kao k.č. broj: 464/2 K.O. Radovlje, općina Visoko.

U provedenom postupku dostavljena je i pregledana sljedeća dokumentacija:

- A. Opšta dokumentacija
 - Rješenje o izmjenama podataka u sudskom registru broj: 043-0-Reg-20-000384 od 05.05.2020. godine, od strane Općinskog suda u Zenici –ovjerena kopija,
 - Ovjerena kopija Uvjerenja o poreznoj registraciji donesenog od strane Porezne uprave - Kantonalni ured Zenica dana 01.12.2011. godine;
 - Kopija uplatnice administrativne takse,

- Rješenje o upotrebnoj dozvoli broj: 12-23-6441 od 28.01.2010. godine izdato od strane Ministarstva za prostorno uređenje, promet i komunikaciju i zaštitu okoline Zeničko-dobojskog kantona-kopija,
- Rješenje o građevinskoj dozvoli broj: 12-23-638/08 od 12.08.2008. godine izdato od strane Ministarstva za prostorno uređenje, promet i komunikaciju i zaštitu okoline Zeničko-dobojskog kantona-kopija,
- Rješenje o ispunjenju propisanih veterinarsko-zdravstvenih uslova broj: 05-20-2274-3/22 od 18.03.2022 godine izdato od strane Ministarstva za poljoprivredu, šumarstvo i vodoprivredu-kopija,
- Rješenje o vodnoj dozvoli broj: UP-I/25-3-40-643-6/18 od 30.04.2019 godine izdato od strane „Agencije za vodno područje rijeke Save“ Sarajevo,
- Rješenje o okolinskoj dozvoli broj: 12-19-01150/20 od 18.05.2020 godine izdato od strane Ministarstva za prostorno uređenje, promet i komunikaciju i zaštitu okoline Zeničko-dobojskog kantona-kopija,
- Radni zapisnik o radovima na pranju i čišćenju podzemnih rezervoara i separatora broj: 02-09/23 od 14.09.2023 godine od strane „DELTA PETROL“ d.o.o. Kakanj,
- Otpremnica i faktura za nabavku separatora ISEA AGM 1000 MKB DN 250 od 08.10.2021 godine od strane „AG-METAL“ d.o.o. Zenica,
- Izvještaji o monitoringu kvaliteta i kvantiteta otpadnih voda pogona «VIMES» d.o.o. Visoko urađeni od strane „Inspekt-RGH“ d.o.o. Sarajevo, oktobar 2023 godine,

B. Tehnička dokumentacija

- Glavni projekat –rekonstrukcija sistema otpadnih voda i vodosnabdijevanje na lokaciji «VIMES» d.o.o. Visoko, urađen od strane „PERSPEKTIVA- inženjring“ d.o.o. Visoko, novembar 2016 godine,
- Konačni izvještaj o izvršenoj reviziji projektne dokumentacije, urađen od strane „ENCOS“ d.o.o. Sarajevo, decembar 2016 godine.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari i u skladu sa članom 12. stav (5) i (6) Pravilnika o sadržaju, obliku, uvjetima, načinu izdavanja i čuvanja vodnih akata («Službene novine Federacije BiH», broj: 31/15, 55/19, 41/20 i 63/22), izvršen je obilazak predmetne lokacije i tom prilikom sačinjen zapisnik o uviđaju broj: UP-1/21-3-40-523-4/23 od 15.12.2023. godine.

Uvidom u dostavljenu dokumentaciju i izvršenim uviđajem na licu mjesta može se konstatovati sljedeće:

Lokacija izgrađenog proizvodnog objekta za preradu mesa sa pratećim sadržajima, se nalazi u naselju Maurovići, općina Visoko, na zemljištu označenom kao k.č. broj: 464/2 K.O. Radovlje, općina Visoko.

Osnovna djelatnost proizvodnog pogona je prerada mesa.

Kapacitet proizvodnje je oko 2-3 tone /dan gotovih proizvoda.

Izdvojeni mulj iz mastolova se prikuplja direktno u vozilo od strane ovlaštenog operatera prema sklopljenom Ugovoru.

Izdvojena ulja iz separatora ulja se prikupljaju direktno u vozilo od strane ovlaštenog operatera, te odvoze na dalje zbrinjavanje.

Tehnologija proizvodnje zasniva se na bazi obrade već pripremljenog svježeg i zamrznutog mesa.

Prostor u kome se vrši prerada mesa čine cjeline: prostor za prihvatanje mesa, rasijecanje i obrada mesa, soljenje i salamurenje, proizvodnja kobasica i suhomesnatih proizvoda, proizvodnja trajnih kobasica i trajnih suhomesnatih proizvoda, proizvodnja trajnih konzervi, termička obrada i dimljenje.

Tehnološke otpadne vode nastaju prilikom pripreme i prerade mesa, kod pranja podova pogona i opreme koja se koristi kod proizvodnje mesnih prerađevina.

Ove vode se u predmetnom poslovno-proizvodnom objektu, prikupljaju u samom pogonu za preradu mesa i odvođe separator masti (mastolov) sa prelivom te odvođe u mjesnu kanalizacionu mrežu sa ispuštom u rijeku Radovljanku.

Snabdijevanje vodom za potrebe predmetnog poslovno-proizvodnog objekta se vrši priključkom na gradski vodovodni sistem.

Sanitarno-fekalna otpadna voda se odvojenim sistemom kanalizacije prikuplja i odvodi u mjesni kanalizacioni sistem.

Na predmetnoj lokaciji se ne vrši klanje stoke.

U aktu o obrazloženju postupanja po uslovima iz Rješenja o vodnoj dozvoli je navedeno da su realizovane aktivnosti iz dinamičkog plana a što je utvrđeno i prilikom uvida u dostavljenu dokumentaciju kao i uviđajem na terenu.

Otpadne vode sa radno-manipulativnih površina i internih saobraćajnih površina se odvođe na tretman u separator ulja i masti sa taložnikom i koalescentnim filterom te odvođe u rijeku Radovljanku. Izvještaji o ispitivanju kvaliteta i kvantiteta otpadnih voda sa lokacije proizvodnog objekta za preradu mesa izgrađenog u naselju Maurovići, općina Visoko, urađeni od strane „Inspekt-RGH“ d.o.o. Sarajevo, oktobar 2023 godine, pokazuje da su vrijednosti parametara efluenta u skladu sa dozvoljenim vrijednostima propisanim Uredbom.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07, 10/14 i 03/16).

Na osnovu dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta na stanje voda i vodni režim, podnosiocu zahtjeva su ovom vodnom dozvolom u tački 3. dispozitiva Rješenja propisani uslovi u skladu sa odredbama članova 53. i 116. Zakona o vodama, člana 12. i 13. Pravilnika o sadržaju, obliku, uvjetima načinu izdavanja i čuvanja vodnih akata i odredbama, člana 3. tačka cc) i članova 15, 19. i 20. Uredbe o uslovima ispuštanja otpadnih voda u okoliš i sisteme javne kanalizacije.

Na osnovu provedenog postupka konstatuje se da je podnosilac zahtjeva, „VIMES“ d.o.o. Visoko, ispunio minimum uslova za izdavanje vodne dozvole te je riješeno kao u dispozitivu ovog rješenja.

Podnosilac zahtjeva je, na ime izdavanja ovog vodnog akta, izvršio uplatu federalne pristojbe iz tar. br. 43. Zakona o federalnim upravnim pristojbama i Tarife federalnih upravnih pristojbi („Službene novine Federacije BiH“, br. 6/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta: Behija Ahmedić, dipl.inž.tehn.

**Po ovlaštenju
Rukovodilac sektora za izdavanje
vodnih akata**



Haris Ališehović, dipl.inž.građ.

Dostaviti:

- «VIMES» d.o.o. Visoko, Maurovići bb, Visoko (Prilog-tehnička dokumentacija pod tačkom B. obrazloženja ovog Rješenja)
- ⊙ AVP Sava, ISV-vodna knjiga
- Org.jed. 50
- Org.jed. 40-arhiva
- Oglasna tabla AVP Sava Sarajevo